

Plugls

Fegl d'informaziun e muossavia per geniturs

Preziai geniturs
Cars affons



Ella scola Ilanz/Glion ei vegniu cattaug plugls. Per dar damogn ton pli spert ad els, ein las instrucziuns cheusut per plascher da suandar precisamein da tut ils geniturs.

Plugls ein negin segn da schliata igiena. Studias demuossan che p.ex. 10 % dils affons el cantun Turtg han adina plugls. Plugls vivan sulettamein sin ils tgau da carstgauns (surtut sur la totona e davos las ureglias).

Il transferiment succeda oravontut entras il contact direct da tgau tier tgau e pli pauc entras capetschas, mobillas pulstradas ni animals da teila. Ils plugls san buc siglir ni sgular. Senza saung sa in plugl survivor maximalmein 3 dis. Cun sias 6 combas setegnan ils plugls ferm vid ils cavels. Ord quei motiv san ins buc semplamein lavar giu els.

Ils ovs ein aschi gronds sco in graun da sablun e vegnan taccai fermamein vid ils cavels (pli pauc che 1 cm naven dalla pial dil tgau). Perquei san ins strusch allontanar els, gnanc cun in petgen da lendels. Quels ovs numnan ins lendis. Anflan ins lendis ch'ei pli che 1 cm naven dalla pial dil tgau setracta ei pli probabel dad ovs schluital e munta buc ch'ils plugls seigien activs. Quels lendis ston ins buc allontanar e dueien buc inquietar.

In tgau che morda ei in indezi malsegir per plugls. Ei entscheiva a morder pér entginas jamnas suenter ch'ils plugls ein secasai ni sch'ins ha gia giu pli baul plugls.

Proceder actual:

1. Fagei aschi bien e controllei a casa schebein Vos affons han plugls:
 - Suenter haver mess sin ils cavels balsam da far lom controllei ils cavels da rudien.
 - Il meglier barschuneis ils cavels sur il lavabo e furscheis silsuenter il petgen vid in pupi da tenercasa (aschia anflan ins il meglier plugls vivents).
2. Annunziar:
 - In resultat positiv ei d'annunziar immediatamein alla persuna d'istruzione da classa ni al secretariat sin la numera 081 925 28 29. Engraziell!
 - Sch'ei vegn anflau plugls, lendis ni ovs ei in tractament a casa necessaris.
 - Ulteriurs commembers da famiglia ein medemamein d'intercurir e tenor basegns da tractar.

3. Tractament a casa:

- **Hedrin@Xpress** ei el mument il mied il pli effizient (funziunescha sin basa mecanica cun serrar giu il flad als plugs). Auters mieds ageschan sin basa chemica ed ein perquei, surtut per in diever repetiu plitost nuscheivels per il tgierp. Laus-Stop® da Rausch sa buc vegnir cussegliaus, perquei ch'igl effect ei buca vegnius intercuretg bein avunda.
- Metter sin ils cavegls schetgs **Hedrin@Xpress** e schar trer en silmeins 15 minutas. Silsuenter lavar ils cavels cun in schampo normal e stergliar ils cavels. **Reperter** il tractament suenter **siat dis**.
- Ei dat negin mied encunter plugs che gida 100 %. Perquei eis ei fetg impurtont da controllar ils cavels suenter il tractament 1-2x ad jamna duront silmeins duas jamnas e tenor basegns aunc inaga repeter il tractament cun Hedrin@Xpress.
- **Bien da saver:** Era suenter il tractament restan ils lendis a ferm els cavels. Aschiditg che quels lendis secattan 1 cm naven dalla pial dil tgau eis ei en general buc da quintar cun plugs entras ovs che schluetan. Quels lendis san ins semplamein schar star. Sch'ins less allontanar quels stuessen ins tagliar giu ils cavels (quei ch'ei magari indicau ord motivs cosmetics ni da stigmatisaziun).

4. Ulteriurs tips da perseguitar:

- Metter petgens, barschuns, pigiamas, resti da létg, schigentamauns, animals da teila, capetschas, eav. en in sac da plastic e metter quel per treis dis giuadora ni per 24 uras en schelentera.
- Per plascher ligiar ensem cavels liungs per engreviar il transferiment.

5. Controlla pusseivla entras la scola:

Tut tenor las annunzias che vegnan inoltradas vegnan las scholaras ed ils scholars dalla scola Ilanz/Glion controllai entras la scola. Nus sperein da saver evitar ina controlla supplementara entras la scola sch'ils geniturs applicheschan a casa cunscienziusamein quest fegl d'informaziun.

Impurtont: Affons che han plugs vegnan buca sclaus dalla scola.

Ulteriuras informaziuns saveis Vus retrer dalla pagina www.lausinfo.ch ni da nies miedi d'affons e da scola dr. med. Benedikt Malin, 081 925 37 77.

Per ulteriuras damondas fagei aschi bien e sedrizzei al secretariat sut la numera 081 925 28 29 ni per mail via schule@ilanz-glion.ch. Bien engraziament per Vies sustegn!

Menader da scola e miedi d'affons
scola Ilanz/Glion